

省志輯·福建

中國地方志集成

道光重纂福建通志(四)



中國地方志集成

省志輯·福建 ⑥

道光重纂福建通志(四)



YZLI0890103593

鳳凰出版社●上海書店●巴蜀書社

重纂福建通志卷之百二十七

宦績

宋

邵武軍知軍事劉若虛

曹修睦 吳師服 宋咸 袁穀

趙子木

傅貽度 王洋 楊解 趙師龍 葉介 趙

時通 王遂

趙以夫 葉采 劉克遜 王邁 葉彥明

方演孫

方蒙仲 廖邦傑 通判軍事林珣 洪璞

教授陳之茂

徐元德 邵武縣知縣事張仕遜 宋棐

陳元平

劉純 縣丞謝源 尉余公瑞 光澤縣知縣事

上官均

江適 王以詠 張碩 張訢 縣丞王介雍

縣尉諸葛玟

泰寧縣知縣事徐壽 章元振 宋适 江

福建通志

卷百二十七

宋宦績

邵武軍

建寧縣知縣事葛佑

李山甫 謝潛 吳播 黃唐

祐 林宗顯

趙師榮 錢衡 林孝聞 趙紡夫 林公

珙 林經德

宋秉孫 主簿羅無競 陳雲 縣尉余炳

洪天驥

洪振龍

興化軍知軍事段鵬

陳執方 劉諤 詹時升 張讀

汪待舉

張允昭 鍾離松 潘時 姚康朝 汪作礪

朱端學

張淵 趙彥勵 陳衡 何紘 林瑒 王克恭

趙汝固

曾用虎 楊棟 楊夢信 張友 林希逸

汪元春

通判軍事郭汝賢 劉子暉 顏振仲 王孝遵

陳振孫

張日中 錄事參軍王顯世 司理參軍黃洵

司刑曹事劉汝舟

教授徐士龍 莆田縣知縣事黃禹

錫 薛奎 王保隆 王正功 廖德明 縣丞陳彌作

王康功 馮元肅 尉楊楫 陳仲微 陳宇 仙遊縣知

縣謝天民 鄭昭叔 周椿年 趙不敏 葉文炳 蔡次

傅 趙與泌 縣尉段全 凌景陽 黃巖孫 興化縣知

縣事許世昌 張彥博 曹勣 黃遜 陸楠 梁錄 林

振 縣佐胡大正

知邵武軍事

劉若虛閩縣人咸平五年進士天禧間以屯田員外郎任俗喜闢

抗法信巫鬼病不延醫若虛至有恃強賊殺者置於法毀淫祠禁

巫覡教病者藥而尊獎賢節修 失聖廟召諸生與說孝弟之行

俗為之變

福建通志

卷百二十七

宋宦績

邵武軍

曹修睦建安人大中祥符五年進士天聖間由知邵武縣遷任始

建郡學民有兄弟訟田者為陳大義反覆開諭兄弟感其言相讓

不爭中丞杜衍薦為監察御史

吳師服字夢得建安人天聖八年進士慶厯間任邵武產金品最

下朝廷欲罪主藏者師服力爭之坐調去

宋咸建陽人慶厯間由知尤溪縣遷任軍學勑自前守曹修睦咸

踵修之買田五百畝為養士費南城李觀為之記

袁穀字容直鄞縣人嘉祐六年進士元豐間任管條鹽法利獎奏

減其課郡人祀之

趙子木燕懿王德昭裔孫紹興間任有政聲與延平守上官情建

安守魏在俱以剛介著人號為鐵錯腳三刺史

傳貽度仙遊人以廕仕紹興間任始至諸吏度其老當弛怠而貽度精審倍常有庫子廖實累贓萬餘緡媚前守得不案貽度甫視事卽籍實家置之法屬縣借盜蔓誣平民以覲賞貽度審察情僞縱遣之多至數百人訟有疑似者必多方勸釋官躬行阡陌勵以力田孝弟以軍學毀於兵火機鹽綱贖新之辦齋舍以來學者時本路初行經界貽度約束諸縣吏均平無弊盜起旁郡將及境卽選銳卒厚其犒以拒之盜聞風而遁秩滿當去民遮道挽留之王洋字元渤山陽人宣和進士紹興間以直徽猷閣任民俗生子多不舉奏立舉子倉凡民婦孕五月卽報丞註籍免其夫差役候當產者給以錢米得旨行之有袁氏夫死詣庭投牒丐他適見衰絰之下紅裳微露且無戚容械訊之乃毒死其夫者問如律

福建通志 卷百二十七 宋宣績 三 邵武軍

楊擢新喻人紹興十八年進士洎熙開任朱子嘗涉其境謂擢之政事可觀士民交口誦之乃文學士非俗吏也

趙師龍字舜臣燕懿王德昭裔孫居餘姚隆興二年進士洎熙開任歲計仰給運鹽積蠹久而用匱僚吏之俸累月無支師龍力剗百弊課入以饒俗素悍白晝殘殺有手刃十餘人者師龍治以重典俗爲衰止修學宮增廩餼邦人刻石紀焉

葉介字方叔武義人洎熙八年進士嘉定間任泉南海寇猖獗郡適缺守尙書黃公度帥閩委以郡事介召軍將授方略擒滅之趙時通字宜伯高密郡王德恭裔孫慶元二年進士嘉定間任始至官諭民毋恃酒尙氣毋挾兵刃令五家一甲甲內有殺人不覺察既殺不亟捕者皆坐之廣學田設藥局立濟貧庫簡兵閱士諸

政畢舉卒於官

王遂字去非金壇人嘉泰中進士紹定間任寧化賊破建泰二邑勢且及郡遂莅任道出江山浦城遇避地之人卽遺金使爲歸資從者如市時郡已失守遂露居野次撫摩瘡痍勒兵轉戰誅笏竹峒巨寇餘醜悉降民以安堵後歷知泉州建寧府仕終工部尙書趙以夫宗室居長樂嘉定十年正奏紹定開攝任時下瞿賊猶拒險戕縣令拒官軍建泰饑人相食以夫乞鹽招糴以活災黎生獲楊李二酋殲其餘黨遂擢爲眞守兵燹後軍治民居俱燼踰年悉復其舊前守劫添忠武軍七百人多游手無賴禁卒亦乘時桀驁以夫厚撫而峻繩之皆帖然就法起知漳州

葉采字仲圭建陽人洎祐元年進士洎祐開任修本軍志祠朱子

福建通志 卷百二十七 宋宣績 四 邵武軍

於軍學置田以供祀事光澤亦建祠以李方子配劉克遜莆田人以廕仕洎祐開任下瞿劇盜前殺邵武縣令劉純逸至是伏誅克遜撫摩凋殘發摘奸伏威愛並行流離復業

王邁字實之仙遊人嘉定十年進士洎祐開任時亢旱求言邁驛奏七事以撤龍翔宮立濟王後爲先務歲饑作歌勸糶富室競爲出粟米價倏平

葉彥昞仙遊人以廕仕洎祐開任自紹定寇亂後建寧泰寧境內尙有餘黨出沒不常安撫使史巖之提刑徐經孫更迭起彥昞上事彥昞廣布耳目得賊部落主名以次勦除獨石岡寨蕭顯忠寇雄黠彥昞以計擒而誅之請於朝卽峒爲寨成以兵邵武自是無寇民戴其功祠之

方演孫莆田人由國子監試得官寶祐開攝任增舊帑二十倍廣學田百餘畝公私賴之

方蒙仲莆田人淳祐七年進士景定間由淮西制置司參議遷任以清苦節縮支郡計爲前守補綱數十萬拊獷悍表儒術立樵溪書院於治東行春門外祀故丞相李綱復著女教爲閨門法式治未期以宸聞詔增一秩

廖邦傑字懷英順昌人以廩仕淳祐間知建寧縣修學宮增廩餼闢貢主莊建惠寧倉以備凶荒勸仁壽廬以養殘疾治藥餌作糜粥全活甚眾咸淳間攝任修圖經增置郡學養士田

州倅

林珣長溪人紹興間通判州事舊時公吏弓手亡賴子弟及詐爲

福建通志

卷百二十七

宋宦績

五

邵武軍

秀才宗室者時假事詣曹誣害良民珣窮治不少貸有水口土軍擅開武庫取兵煽亂珣以計撫定尋得爲首四人按誅之先是和平大寺兩寨戍卒循習縱肆官吏不能制自是帖然

洪璞字叔玉淳安人淳熙元年進士任通判州事慈湖楊簡薦之朝日舉家三百指無屋可居無田可養節操方正可備獻納科未報而卒

教職

陳之茂紹興間教授建炎二年罹兵燹惟軍學縣學存有司檄軍學爲吏舍乃棲諸生於縣學其教授寓居僧寺之茂請部使者給漕臺鹽運新之

徐元德瑞安人

閩書作
永嘉人

淳熙五年進士任教授闕講堂之東柳李

忠定祠朱子爲記稱重之

知邵武縣事

張仕遜字順之乾德人淳化進士景德間任以慈愛得民嘗於聽訟之所手植甘棠因以名亭邑人封植之仕遜嘗禱雨於歐陽太守行祠徒步撤蓋得雨霑足民立大乾廟祀焉

宋葉莆田人政和五年進士紹興初由知寧德縣遷任鄰寇范汝爲等就撫所過需丁壯負擔小拂意卽屠割啖食之其先寇至令空邑遁去寇竟持兵謀入臥內葉徐起論遣之不爲謂一夫民得全活後三十年葉茂良爲郡法曹見邑民語及葉有涕下者

陳元平字熙初臨川人紹熙間任熟於民情諳練軍政雖老吏宿將不能難之尤尙儒術爲黃幹所推許

福建建志

卷百二十七

宋宦績

六

邵武縣

劉純建陽人以廩仕紹定間任初晏頭陀磤破汀劍浸及建寧府純方調荆湖北路帳司幹辦聞賊迫其鄉里卽歸散家財招唐石義勇禦之賊轉入邵武知軍事王遂請於朝命純知邵武縣并將所招義勇往賜號曰忠武軍既至從招捕使陳韓擊破潭飛深降其七十餘寨頭陀計窮就誅而劉安國踵起安國者建寧人因民困煽眾肆劫旁縣建寧尤劇知縣事趙紡夫復請移純軍建寧報可純被命卽行道得賊二人斬以徇會鄰路建昌知軍遣屬令將兵來援爲賊困純破圍拔之歸直入富田取安國安國傾諸寨迎戰純屬統制周喜領淮西軍繞賊後據其巢而已率軍前進遂生得安國次日因勝招降下瞿賊下瞿於諸賊最雄鸞負固不聽命乃擊之兵敗不屈遂遇害事聞贈朝散郎諡義勇

縣佐

謝源字資深臨川人淳熙間丞喜慍不形民以不擾當路多知其賢常平使者宋若水尤器重之朱子謂一見即知其爲長者歿爲銘其墓

余公瑞字鎮臣德興人政和間特奏各宣和間尉歲饑請常平粟不俟報即發民賴其惠稱之曰余父

知光澤縣事

上官均邵武縣人熙寧三年進士以光祿寺丞任時有巫託神爲人禍福均焚其像杖巫出諸境

江道陳畱人元祐間任嘗定經界於民無所擾民感戴之

王以詠字永吉建安人宣和六年進士建炎間任嘗曰治公家如

福建通志

卷百二十七

宋宦績

七

光澤縣

私家自符天理惜官物如已物乃合人情終任未嘗妄費

張碩德興人紹興二十七年進士任勤恤民隱而於賑濟尤盡心

雖天降災而民不害

張訢毘陵人紹興間任嘗於境內倣社倉之法以濟里民之無蓋藏者及中下之家生子不舉者又附倉列屋以待行旅疾病無所

歸之人法甚精善朱子爲之記

縣佐

王介雍閩縣人紹定二年特奏名任縣丞刻志勵操道遇凍民解

衣給之秩滿襪被徒歸

諸葛琰南安人以廕仕嘉定間尉汀邵寇起蔓延建昌撫州而光澤當其衝琰提兵轉門有功進階儒林郎

知泰寧縣事

徐壽字君朋建安人元祐間任會改鹽法計口敷鹽壽以不便於民納袍笏不肯從令民德之按察張汝賢以狀聞政京秩

章元振字時舉崇安人政和五年進士紹興間任時范汝爲再叛元振據險立砦置帑庾其中率民兵堅守境內晏然

宋适字叔敏南頓人居上饒紹興間以父廕任聽訟務適其平修學校以禮義迪諸生及受代鄰邑上官以鹽數萬劾寄售迨峻拒

之事已民爲立祠而碑以紀焉

江燧字華叔崇安人寶慶二年進士紹定間任汀邵盜起燧募勇敢守要害設伏以待戮其二酋盜相戒不敢犯一縣恃以無恐燧

政治廉平邑人以燧前爲光化軍乾德尉亦著治績有前光化後

福建通志

卷百二十七

宋宦績

八

泰寧縣建寧縣

泰寧清如水平如衡之謠

知建寧縣事

葛佑天聖間任初縣學於治西縣之有學自佑始

李山甫南城人皇祐元年進士嘉祐間任遷建學校擇士充弟子

員督課之儒風以振

謝潛字致虛長汀人紹聖四年進士崇寧二年中宏詞科以瀛州

教授上封事規切時事坐元祐黨謫尋赦大觀間任毀淫祠禁民

閒溺子邑人生子多以謝名

吳播劍浦人政和五年進士紹興間任諳厚有吏才飾以文學省

科役鋤強暴邑人德之

黃唐祐江夏人紹興間任時富兵亂拊循鎮定民賴安堵嘗勸建

廟學以興文教

林宗顯字孝揚侯官人紹興二十七年進士乾道間任聽訟精明庭無留牘興利除害民立祠於東山祀之

趙師榮宗室居福州紹熙四年正奏慶元間任縣學復於黃唐祐規制猶狹師榮購地爲講堂而以舊講堂改建 大成殿門廡齋舍廚庫悉備

錢衡字守道錢塘人嘉定間任以誠莅民民不忍欺增修學校虔

恭祀典祈禱羣祀亦如之

林孝聞字質夫福清人慶元五年進士嘉定間任爲政廉明管捐俸置田以充學宮號林公莊

趙紡夫廣陵郡王德雍裔孫紹定間任初爲建寧尉紹定之亂建

福建通志

卷百二十七

宋官績

九

建寧縣

寧爲賊集諸司辟知縣事紡夫單車入境撫馭交施節制往來兵

馬使民不擾繼全諸軍入筋竹洞蕩其巢惟下置未下然勢稍衰矣於是勢來流離重建公宇修葺學校遷本軍通判

林公玙字子明福清人寶祐元年進士淳祐間任政事精明吏不能欺不科斂橫費以戕民嘗修學建鼓樓及宣詔頒春二亭

林經德福清人嘉熙二年進士寶祐間任時縣寇復起去治僅五

里居民奔竄經德急召二寨勇壯授以方略躬率民兵迎戰大敗之克渠以次俘馘邑人相賀曰微令君吾屬喋血矣臺閭欲上其事於朝經德曰二寨之功也

宋秉孫字彝父建安人淳祐四年進士景定間任值歲饑悉力賑給邑舊無城咸淳二年秉孫勸築砌以磚石四年水圯秉孫方通

判本軍斥餘鹽錢重修及攝知軍事乃令稅務司零錢近萬緡復置田爲繕修費廖邦傑爲之記

縣佐

羅無競字謙中廬陵人紹興間主簿愛民如恐傷管攝縣尉民有爲劇戲者其侶數十人令意爲盜檄無競捕之訊得實移縣請釋令使諭以風指曰此可超某官無競歎曰欲某殺人以爲梯邪亟白知軍言狀數十人始不寃死令故贖貨無競嘗切指其非令思中傷之無所得而令以貪敗汀有劇賊擁眾數千劫旁州縣建寧民駭竄官吏亦謀自全計無競曰是求禍也亟召吏民曉以竄必不免免亦無歸不如禦之於是吏民相率守備盜竟不入境

陳雲崇安人開禧元年進士任主簿時峒寇李元勳竊發多方撫

福建通志

卷百二十七

宋官績

十

建寧縣

禦邑賴以安

余炳紹興人紹定間尉汀寇壓境令佐皆遁炳獨率士卒首控賊鋒以待王師後以功進知泰寧縣事

洪天驥字逸仲晉江人淳祐七年知縣尉海盜王若曾嘯聚千餘騷動郡邑諸所委捕多畏阻天驥直搗賊巢一舉平之邑有三大

奸黨相率就縛有爭訟者諭以禍福皆解散去

洪振龍閩縣人咸淳間尉剛明難犯時有冤獄令欲文致之振龍毅然以爲不可竟直其獄嘗請寬鹽政雖觸時忌不顧所至屏絕饋遺人稱其清

知興化軍事

段鵬京兆人太平興國四年以司農寺丞知興化縣五年加著作

郎擢任會轉運使楊克讓以游洋轉輸不便請移治於莆鵬覽視形勝以都巡檢廨爲軍治建崇樓於軍治之前以鳴鼓角遷都巡檢廨於子城之西以便巡警建都監於軍治之東以勾稽兵馬諸公事雖勞民而不怨後論初始者稱段知軍云

陳執方字良器慶厯間任軍學始咸平元年有三禮堂御書閣而無藏書學舍庠小士之應進士舉者常至八九百人執方闢而新之購書以業多士國子監所有者皆具焉

劉諤嘉祐間任故興化縣有荻蘆溪流甚紆長諤址石溪流堰而爲陂仍作圳引而南注圳循山行咸用石砌遇山壑斷處復作砥柱駕石船而飛渡之其勢磬折蛇行二十餘里及入境始分爲上下圳溉田萬餘頃名曰太平陂

福建通志 卷百二十七 宋官稿

興化軍

詹時升字志行建陽人元豐八年進士政和七年以朝奉大夫任治尚簡易而切於愛民歲大旱時升迎五百佛設廳自爲位於麗誰之下袍笏立烈日中每位一拜忽陰雲四合大雨隨至

張讀安溪人紹聖四年進士靖康元年以朝奉大夫任時士卒驕恣一日讀庭下乞額外給賜讀正色叱之退已廉得倡亂者姓名梟於市一軍肅然

汪待舉西安人政和二年進士紹興十四年以左朝奉大夫任五鼓披衣燈下讀中庸一過乃出視事性介直人不敢干以私嘗奏蠲本軍諸色錢及漁人所輸稅錢埔草無名錢郡人德之

張允蹈熊縣人隆興二年以朝請大夫任先是延建汀邵山寇起轉運使暫移本軍苗米二萬五百石輸省會以佐軍興已遂沿爲

成例名猶剩米民不勝病允蹈狀於朝蠲其半

鍾離松紹興進士乾道三年以左朝奉大夫任先是知軍張允蹈奏除本軍猶剩米之半松至即奏言興化歲入纔及省會十二分之一豈容寬寡益多以紬民力疏入詔盡除之

潘時字德鄰金華人乾道九年以朝請郎任嘗奏蠲紹興時經總二制虛額錢若干萬歲早禱雨不應時意屬縣獄有冤亟往察訊果得二人破械而出未及旋車而雨又築木蘭陂洋城陳壩二陡門以溉田民德之

姚康朝字廷賓長興人紹興十二年進士淳熙元年以朝奉大夫任爲政寬猛適宜年登盜息舊時貢院無定所康朝爲相地改建於軍治之西屬通判趙善夫成之

福建通志 卷百二十七 宋官稿

興化軍

汪作礪縣人淳熙五年以朝散郎任前一年軍學半燬於火作礪因舊規制葺之又改建蘆浦斗門溉田五百餘頃

朱端學淳熙十三年以朝散郎任勸安養院以舍行旅之病者官給錢米藥餌愈則量支路貨津致其行死則給棺浮窆於漏澤園而表焉以待收者

張淵永福人隆興元年進士淳熙十五年以朝請郎任嘗勸涵江陡門以蓄延壽里諸水以溉民田復建二祠祀故丞相葉黜陳俊卿扁曰兩台齊邑之祠

趙彥勵字懋俊浚水人紹熙元年以朝奉大夫任會雨水傷稼故事三縣課夏稅錢幾二萬緡又額徵僧道錢幾七千緡彥勵請以贏錢代民輸稅又乞汰雜調舊額詔從之奏蠲僧道免丁錢以修

軍學取廢利田以贍學廩復增築洋城陳壩茲壽諸斗門溉田莆
人利之

陳衡字季平龍溪人乾道八年進士慶元二年任樽節用度增羅
備凶有攜權貴書求館餼則曰寧以身嘗誘不以官物徇人既去
里人爲立祠而碑之

何紘字文伯永嘉人紹興三十年進士慶元三年任才敏給爲政
審先後事關風化而利在農桑者悉次第爲之嘗作人物志勸平
潭橋新桂籍堂

林瑒福清人淳熙十一年進士嘉定元年以國子博士任前守坐
行楮不虔罷去姦民動以減落計善良持官吏瑒至出令曰詔書
予者受者俱坐是未受者不爲行用不當坐也今未受而被計當

福建通志

卷百二十七

宋宣續

三

興化軍

如詔書坐計者其風乃止監司按產配民藏楮瑒曰民未戶曉請
緩期以報地多名利鬻寺取財曰實封逐僧沒穀曰物精悉罷之
每放夏稅分四法寺院鬻五之一一等二等戶鬻三之八三等至
五等戶鬻其半稅六十算以下者全鬻而以所擲節錢代輸焉
王克恭南安人淳熙十四年進士寶慶元年以工部郎任會汀邵
寇作郡人直祕閣陳宓家居倡議築城克恭捐廢利錢數萬緡佐
之尋以病卒官工未就緒而新城之立克恭實先河云

趙汝固字孟堅宗室居福州開禧元年正奏紹定三年任時汀寇
陷泉之永春德化距賊壘三舍而近汝固明號令布方略凡切於
保障者不惜財力有猾民乘閒竊發捕斬以徇懸金募得賊開謀
數十人殺之盜聞不敢犯境

曾用虎晉江人以廕仕紹定三年由通判福州移任立平糶倉捐
楮幣萬餘緡爲羅本其法時其出入羅如時估糶如羅估不抑不
增民賴焉莆舊未有城用虎始築軍城延袤七里奇既竣下令
鬻是年夏稅之半而以樽節贏金輸之又重修太平陂悉易以石
不以煩民既成撥廢寺田爲歲修人更其名曰曾公陂

楊棟字元極青城人紹定三年進士端平初以樞密院編修任舊
作蒲祐旌賢崇德先是至聖齋仲良爲蒲田令因家涵江棟爲建
廟闢田棚置書院聚子姓肄業其中特立先聖後戶籍以別齊
民鄉賢林光朝祀田爲本里二姓所得其諸孫曰鈞恕於棟棟以
帑銀十二萬贖之隸諸學令學官以其歲入給鈞等修其祀事焉
尋遷知興化軍歷安撫使

福建通志

卷百二十七

宋宣續

古

興化軍

楊夢信廬陵人端平二年以國子監丞任舊有濠塘田以充學廩
嘉定末海水害隄沒其田寶慶三年郡人陳宓築內隄捍水以復
之既而謀築長圩苦無貲貸諸富人以塘田質焉久之貸主沒入
是田教授顏若愚言於夢信乃出公帑錢六十萬贖以歸學
張友武進人嘉熙二年以直祕閣任出金錢二十萬以贍學費割
廢利田租三百斛以佐學廩又以樽節錢二千緡修十三齋諸生
肖像祀之

林希逸福清人端平二年進士以直祕閣任立葉丞相祠於治
西復合祠林光朝林亦之陳藻三先生於治東南穀城山俾郡人
士有所矜式而興於學

汪元春字景新奉化人淳祐元年進士咸淳十年以宗正博士任

妻子不之官卻餞錢每食蔬飯一孟事至即面歎而立決之甫二月卒民以金助喪其子第恐汙元春不娶

州倅

郭汝賢浦城人元符三年進士宣和二年以奉議郎通判軍事嘗攝軍篆郡民舊決園清塘之水源濟木蘭陂所不及至是還塞汝賢盡力修治之

劉子暈字彥冲崇安人以廩仕建炎四年以承事郎任通判軍事為政以勸民興行為先時逸寇楊勛犯閩聲震旁郡已而奸民相煽有號范葉兵者披猖及下游子暈盡計備禦寇不敢犯

顏振仲龍溪人嘉泰二年由知安溪縣移判州事舊時課常不足振仲節縮用度更以羨聞及攝知軍事日籍廢田以贍生徒時飛

福建通志

卷百二十七

宋宣統

主

興化軍

雄軍被調遺資糧不足謀於市振仲出撫諭之自俸廳所積錢給之軍士咸悅膜拜而去

王孝遵嘉定四年任通判時軍學弟子員日眾而歲屢不登庖廩告博孝遵攝軍以廢利田贍之

陳振孫永嘉人寶慶二年任通判嘗佐郡人陳憲修濠塘踰月而成學田克復有楊氏訟其子及婦不孝官為逮問則婦之父為人毆死婦翁預焉獄未竟值豐恩不坐而婦仍在楊氏家及翁訟子與婦不孝判官姚瑤欲并婦收坐振孫以為訟者雖翁乃父仇也

事翁不盡禮則可責以孝事豐不盡禮則難責以孝於法當離而不收坐人皆服其得法外意焉

張日中南城人景炎間任通判起兵應文天祥於汀州被執空坑

之潰死焉

諸曹

王顯世南安人以廩仕紹定間任錄事參軍有從官起家守泉與鄉人爭田屬顯世為地顯世判歸鄉人一郡稱快受輸卻斛面不取同列暫寄諸倉及歸吏以數上卒不受

黃海甌寧人以廩仕紹興十四年任司理參軍治獄雖得情猶反覆無異辭乃論報軍院官嘗屬清曰設有移鞫幸勿為異某鞠公所治亦然清曰司獄人命所繫我不敢徇公亦不望公徇我如理院所移有不當者倘望改之勿以為嫌也部使者私欲出一重囚

消持不可乃因行部慮囚釋之清白於知軍汪待舉復逮之獄竟抵罪由是待舉益賢清每事咨焉

福建通志

卷百二十七

宋宣統

六

莆田縣

劉汝舟字元造浦城人政和二年進士五年任司刑曹事有富民王姓者死無嗣吏以戶絕聞驗實得貲三十萬知軍將籍之其妻以遺腹訴不聽汝舟請待其分娩亦不聽已而生男復為辨析請還所籍獨守怒汝舟遽納告身丐歸乃還其半王氏子名濟既舉

進士諸志選舉無王濟或舉而未第也猶疑姪為人道前事先是汝舟在太學與張浚同硯席後浚持兵柄汝舟獻平戎十策辟為參謀官

徐士龍紹興十九年教授重修軍學建教授廳於學之西設縣學於廟之東建鄉賢祠以祀林瓚蔡襄榜之曰名賢堂

知莆田縣事

黃禹錫字仲元惠安人太平興國初以檢校水部郎中攝任會游洋人林居裔據險倡亂函書調禹錫為援錫叱之潛遣長子觀乞

兵於漕使楊克讓居裔開之以計昇禹錫與其子置帳下詰以
之兵故欲殺之會觀兵至居裔力糾請降詔嘉禹錫尋請歸
辭奎字宿藝正平人進士雍正十四年以大理丞任請蜀南開時
鹹魚埔草等稅民德之權參政

王保隆晉江人宣和開任清永豐塘溉田十一頃六十畝民賴其
利

王正功字承甫郵縣人以父功遺澤補官乾道七年由宣教郎任
始至牒訴數百正功懲其非實而決其久滯者訟寢清省宋氏子
怙勢於縣庭毆吏又有太學諸生林某知信州析從父也喧競於
庭皆捕治既服釋之且戒曰後復爾不貸也析由是知正功賢及
爲監司表薦之邑岸大姓因鬻鹽爲寇尉往捕獲數十人其黨聚
福建通志 卷百二十七 朱官續 七 莆田縣

取械傷卒徒尉亦被制知軍怒尉生事正功曰拒捕如此不懲創
何以厲後窮治之鹽寇始戢復修陳壩斗門以永灌漑之利
廖德明順昌人乾道五年進士消熙開任營建廬縣南以寓行旅
之病者勝曰仁壽復請於郡得廢寺產歲入粟以供藥餌邑有淫
祠毀之沈其像於海鄉宦欲取邑地廣其居德明不可知軍遺僚
屬諭之德明日太守天子守土之官也顧以土地予人乎知軍聞
之慙服

縣佐

陳彌作閩縣人紹興八年進士紹興開丞以木蘭設水利策大採
眾議而酌其宜革四弊立五例條畫詳盡上於部頒行之
王康功紹興開任縣南灣上下洋二陂俱引荻蘆陵水溉田一百

頃於廢不治康功重濬之以復其舊
馮元肅紹興開任時木蘭陵失故道由北岸東奔元肅修而復之
鄭樵爲之記

楊樵長溪人消熙五年進士消熙開尉安撫使其移縣括逃田樵
歷疏不便忤使秩滿上府使怒曰尉格帥命乎徐條對無所屈轉
運使曰尉敢格帥大是難事遂薦之

陳仲微字致廣高安人嘉泰二年進士慶元開尉嘗攝縣事會歲
大稔軍卒挾饑民爲變仲微戮其首謀數人餘置弗問性抗直有
以尺牘達者不開緘還之寺僧與軍學爭水利仲微竟歸之學僧
憤甚書其事於鐘朝夕考擊詛咒一日仲微偶過寺見之歎曰吾
何心哉質明僧暴卒

福建通志 卷百二十七 朱官續 大 仙遊縣

陳字字伯愛任本品尉得劇賊合賞格字曰吾其可藉人命階進
耶辭之

知仙遊縣事

謝天民字彥先建安人紹興十年以左承事郎任宣和末學舍鞠
爲草莽地入豪家邑人陳可大議建未行天民至勸復舊地以公
帑二百萬緡佐之又置田三十五畝爲修葺計自爲記碑之

鄭昭叔字顯仲字德人紹興二年舍選十三年以右通德郎任時
朝廷下經界法昭叔讀戶部事目未盡曉使吏請亟行之昭叔曰
已尚未曉何以使人開闢覃思經旬通悟乃集同官析辨同官亦
無不曉者始定差保正長但取丁眾產饒者分爲二等大者以備
都副保正小者以備大保長各籤姓名分置兩帖帖分四類一丁

眾一產鏡一才智可用一筋力足任凡選一都一保必兼取四色人使相協濟民皆悅服差役既定給以事目又為陳說大意恣其疑問親與解說既悉通透然後散遣打量不過兩月他邑差役未定而仙遊已有次第矣朱子守漳備錄其法申諸司乞上之朝省下之屬部後致仕家居壽九十有六

周椿年字春卿浦城人以廩仕轉運使因之子紹興十六年以右通直郎任歲餞計口授粟不足請糴於鄰邑民賴以活盜賊聞椿年來皆屏跡每聽訟必使人盡其說既而剖決如神老吏驚服趙不敏商恭靖王元份裔孫紹興二十年以本縣丞加承務郎遷任時縣凋弊不敏悉更張之每去一弊輒籌之終日或累夕乃已不事追呼鞭扑一縣大治或得其文移條教欲付梓人不敏曰此

福建通志

卷百二十七

宋宦績

五

仙遊縣

直空言要知寬猛先後惟所居耳

葉文炳浦城人淳熙十一年進士嘉定七年以奉議郎任旬日間盡決累年滯訟既又籍廢寺田增廩養士富室有據官地築隄植榕立屋而妨民水利者累政不能奪文炳窮治之撤隄以復灌漑差役久為民病文炳勸立義役均產通差故例迫逐公費責諸僧刹文炳在官一無所敷配每語同列曰貪汙由於多欲尚侈官俸幾何百事欲如意不受賄安從得清心寡欲澄源塞流乃吾儒功用也

蔡次傳字嚴肖晉江人嘉定十三年進士歷漳州司戶參軍淳祐元年以宣教郎任審為政先後興學校作士氣增學廩勸農桑民深懷之

趙與泌宗室寶祐二年以承議郎任以敦本明倫為教建崇經閣文會堂新講堂於學嘗作勸孝歌以訓民民有母子相訟者與泌澆泣出孝經口授之皆改悔

縣佐

段全晉江人咸平間尉嘗遷學於縣南作孔子廟像據三禮圖作七十二子像

凌景陽餘杭人天聖間尉嘗出郊有道士挾二童子至景陽見其眉目疎秀問為誰曰農家子蔡襄蔡高也景陽令其至廨躬教以經秩滿攜至郡囑太守置於郡學後襄高擢第通顯實自景陽啓之慶歷間遷知漳州

黃嚴孫惠安人以寶祐四年進士任尉興學校講水利皆得政要

福建通志

卷百二十七

宋宦績

五

興化縣

知縣趙與泌以縣志委撰焉嚴孫嘗慕前尉段全凌景陽之賢作思賢堂以見志其堂記云事俗而不見為俗者學充於事也官卑而不見為卑者人大其官也世以為名言後遷知尤溪縣

知興化縣事

許世昌慶歷六年任愛民如子有所咨杖示辱而已不傷其膚清白自持俸外一無所取元豐中令梅澤作壁記謂縣自太平興國以來歷百餘年稱賢令者僅見許世昌張彥博二公云

張彥博字文叔蔡州人以廩補官嘉祐二年任舊時僧寺黨結為姦彥博首捕治之古田劇賊擾境者聞風遁去治訟不事笞杖剖決如神人稱其有霹靂之才有寬含之量云

曹勳字德美應天府進士紹興十四年任康直有威遇豪猾不法

者搏擊無所避前令邱鐸以慈得民心動以嚴治莫不順服爲之語曰前有邱老後有曹公

黃逸字德俊晉江人紹興二十三年任以誠孚民民不忍欺於學建議道堂日集諸生講論剗刺時主簿顏思魯尉葛元樵皆知名之士相與輔政士人咸稱慶焉

陸楠侯官人紹興二十一年進士三十二年任歲旱赤日當天楠步行七十里爲民請命忽然雲興甘澍通夕

梁錄字庭堅縉雲人淳熙開任先是縣解發官錢入郡例數保甲豪右多巧作名色以避賦役錄平其任民悉赴之遂爲成式

林振字宗玉福清人紹熙元年進士慶元三年任政事詳明興滯補弊治三年百姓鮮犯重刑者控犴爲空提刑司聞於朝特減三

福建通志 卷百二十七 宋官續 興化縣

年磨勘尋改知邕州

縣佐

胡大正字伯誠崇安人紹興開以父宏廕授本邑尉邑士鄭僑以疑獄逮繫大正奇其人力爲辯白且勉以遺業僑遂感奮卒以大魁爲時名輔

重纂福建通志卷之百二十七終

重纂福建通志卷之百二十八

官續

元

行中書省平章政事燕只吉台徹里 史弼 陳有定 右

丞忙兀台 廉惠山海牙 左丞董文炳 參知政事焦德

裕 郎中虎都鐵木祿 楠帖穆爾 王翰 員外郎張庸

都事藍光 理問呂公祖 平海行中書省平章政事高

興

宣慰使司宣慰使李恆 塔里赤

宣慰使司都元帥府都元帥搠思監 百家奴 陳瑞孫

同知副都元帥彭廷堅

福建通志 卷百二十八 元官續

提刑按察司按察使王憚 肅政廉訪司廉訪使程鉅夫

烏古孫澤 趙宏偉 答里麻 拜降 貢師泰 莊嘉

韓準 副使寶哥 僉事張孝思 安禮護世 揭汝 知

事范埤

行御史臺使臣野訥 齊履謙

行宣政院使朵兒

都轉運鹽使司牛田場鹽課司丞劉志

福州路達魯花赤脫懽 總管岳天楨 推官項棣孫 教

授熊朋來 劉直內 古田縣達魯花赤馬合麻 縣尹胡

希仁 福清州達魯花赤馬合馬沙 知州林泉生 申國

輔 判官曹道振 閩清縣尹董禎 蔡嗣宗 長樂縣尹

呂復 連江縣巡檢劉溶 繼源縣尹丁德孫 福寧州知州張伯顏 王伯顏 判官張賢贊 福安縣尹忙兀歹 高琛 林天賜 主簿胡璉

建寧路總管暗都刺 浦城縣尹葉景仁 建陽縣尹游欽 陳天錫 崇安縣尹鄒伯顏 任德用 楊觀 夾谷山壽 劉沅祖 彭好古 孔楷 唐兀伯顏 主簿周禮

松溪縣達魯花赤阿思蘭 縣尹李榮昉 凌說 政和縣達魯花赤真寶 馬連忽 縣尉馬哈麻

泉州路達魯花赤僕玉立 敬授開人夢吉 晉江縣尉劉益 南安縣達魯花赤迺穆泰 縣尹張夔 同安縣達魯花赤馬合謀沙 孔公俊 永春縣尹盧琦 主簿錢宗顯

福建通志 卷百二十八 元宦績 二 總轄

安溪縣尹呂桂

興化路總管烏古孫澤 郭朵兒 張仲儀 經歷李約 知事盧端智 興化縣尹蔡真 吳厚 葉衡 主簿趙文煥

邵武路達魯花赤曲出 吳按攤不花 總管嚴忱 同知萬不花 吳克忠 蕭寅 推官劉泰亨 經歷揭祐民

郭瑛 邵武縣尹王應祚 張祥 傅士謙 光澤縣尹況達 延平路南劍路改名總管趙鞏 文富 同知赤蓋 知事朱彬

教授王丙應 學錄郭圭 南平縣尹眞寶 尤溪縣達魯花赤文殊海涯 主簿金剛奴 尉曲惠 沙縣縣尹陳

洪 王璣 范文忠 順昌縣達魯花赤劉思禮 魯崇仁 將樂縣尹吳林清

汀州路上杭縣尹鄭從吉 武平縣尹李實 漳州路達魯花赤要忽難 送里彌實 總管高傑 張泉逸 羅良 推官烏古孫良禎 知事闕文興 龍溪縣尹

唐大年 漳浦縣達魯花赤買撒都刺 龍巖縣尉黃佐才 長泰縣尹蔡滔 南靖縣尹扈海 韓景晦 行中書省

燕只吉台徹里一統志作徹凌至元二十四年任福建行中書省平章政事令行禁止民便安之汀漳劇盜歐狗久不平徹里身將戍兵申明約束盡則合圍山中夜則稅野偃旗仆鼓有降者勞以酒食慰

福建通志 卷百二十八 元宦績 三 總轄

遣之曰吾意汝豈反者耶良由官吏汙暴所致既來歸即平民矣吾安忍汝罪其返汝耕桑安汝田里毋恐他擾聞者相率以出歐狗日浸南奔大兵隨之偷生塢中其黨縛致於軍血鋒刃者纔此一誠自是方三千里枹鼓不鳴卒贈徐國公諡忠肅

史弼字君佐一名塔刺渾博野人至元二十一年黃華反建寧又值霖雨米價湧貴弼時任浙西宣慰使發米十萬石以平價糶之而後聞於省省臣欲增其價弼曰吾不可失信寧輟吾俸足之益

出十萬石建民賴不饑二十九年拜福建行中書省平章政事陳有定先世福清人流寓汀州為明溪寨兵卒至正壬辰盜曹柳順據曹坊寨遣先鋒八十人來明溪取馬有定計給之收其兵器盡斬於市率士千餘直抵柳順營出其不意擒以歸事聞授明溪

案巡檢陸清流尉遷簿尋爲令已亥陳友諒遣將取邵武掠汀延諸處元授有定汀州路總管擊敗之所陷郡縣盡復還行省參政辛丑開府汀州遷左丞已遷行省平章悉有八郡地戊申明太祖遣將胡廷美取元建寧征南將軍湯和自明州海道入福州轉延平使使諭降有定殺使者取血和酒甕中監諸將飲之戰不利明兵急擊之有定召諸將與訣曰公等善爲計吾自死元耳按劍仰藥其將謝英輔與達魯花赤白哈麻亦具服北面自經明兵昇有定屍值大雷雨復蘇其子宗海討亦思巴奚擒阿巫那等有功於闕至是聞父被執自將樂來赴難并俘京師死之

忙兀台蒙古達達兒氏世祖命兀台爲閩廣大都督行都元帥府事與江西右丞塔出會兵收降尋拜參知政事召赴闕陞左丞時

福建通志

卷百二十八

元宦績

四

總轄

左丞峻都行省福建未幾中書言峻都麾下擾民致南劍等路往往殺長吏叛及忙兀台至招徠七十二寨建寧漳汀稍獲安集有旨仍鎮閩轉右丞拜江淮行省平章政事

廉惠山海牙字光亮畏吾人希憲從子至治元年進士至正間以福建行省右丞鎮延平邵武境內謐寧歲餘奉詔還治總備禦事且督賦稅從海道供京師朝廷賴焉

董文炳字彥明冀城人宋既亡文炳以中書左丞奉詔討未下郡縣師既踰嶺漳泉建邵皆送款惟興化汀未下方議招之或曰何以招爲偏師壓之振落抑墜耳文炳曰興化不服獨陳參政耳民則何辜不須與忍耶未幾汀來歸興化又不至乃發兵討之閩人室家相保如故德之最深建生祠祀焉陳參政文龍也

焦德裕字寬父雄州人通左氏春秋驍勇善射累立戰功至元十四年任福州行省參知政事宅心仁恕不尙苛刻

虎都鐵木祿至元末福建行省郎中延祐開大臣以浙東倭收商舶貿易致亂奏遣宣慰閩浙撫戢兵民海陸靜謐

柏帖穆爾蒙古人居官所至廉能著稱至正間任福建行省郎中明兵至福州柏帖穆爾引妻妾坐樓端慷慨謂曰丈夫死國婦人死夫義也城且陷吾必死若等從乎皆泣曰敢不從縊而死者六人餘一女十歲一男三歲度女不能自死給之曰可稽顙拜佛保我拜下擎囊米壓之出其金珠昇男乳媼曰宗不可絕也可爲我抱匿民舍有急出金珠贖之有頃兵入城舉火自焚死人過其門咸爲流涕呼爲柏衙前

福建通志

卷百二十八

元宦績

五

總轄

王翰字用文靈武人初除廬州路治中改福州路同知適三魁賊起地險猝難用兵翰自造壘諭降之累陞理問官總理永福羅源二縣泉州土帥柳莽跋扈翰諭之悉解散擢福建江西行省郎中平章陳有定表授潮州總管元亡屏居永福山中明洪武中有薦之者翰歎曰女可更適人哉爲詩別友曰昔在潮陽我欲死宗祀如錢我無子彼時我死作忠臣覆宗斷祀良可恥今日徵書忽到門丁男屋下三人存寸刃在手固不惜一死了卻君親恩遂自引決翰工詩書善篆子偁見福州文苑

張庸字存中溫州人性豪爽精太乙數以福建行省員外郎治兵於閩後擢祕書少監刑部尙書以不降賊被殺

藍光字仲晦臨江人受業吳澄善詩文尤精考古制度以辟薦轉

閩省照磨陸檢校閩清歲歉盜起光單騎往諭賊黨解散綜理閩清邑事以廉能稱後以靖亂功陞行省都事時八郡騷擾參政陳有定方事興復光總藩幕審持正一言不合遂拂衣退省憲交章薦之會明兵下閩光隱居教授年九十九卒

呂公祖字景莊孟州人任福建行省理問沈毅有才累遷建興汀福總管所至厚重見稱卒贈兵部尚書追封渤海郡侯諡正肅

平海行中書省

高興字功起蔡州人初以衝發招討使從都元帥忙古台平福建漳三州至元十四年詔興立都元帥府於建寧鎮降政和黃華邵武高日新高從固等寇遷浙東宣慰使復平福建及溫台海洋羣盜十七年漳州盜數萬據高安寨官軍不能下詔以興為征蠻副福建通志

卷百二十八

元官績

六

總轄

都元帥討之抵其壁賊乘高瞰下興令人挾束薪蔽身進至山半棄薪而退如是六日誘其矢殆盡乃燃薪焚柵斬其賊魁十八年又攻破盜陳吊眼於千壁嶺改浙西宣慰使黃華復叛興疾趨與福軍合平之後以參知政事行福建宣慰使事又遷福建行省右丞以征爪哇功拜福建行省平章政事終左丞相卒諡武宣加封南陽王

宣慰使司

李恆字德卿元初為福建宣慰使尋轉江西文天祥復取汀州圍贛州急或言天祥墳墓在吉州者遣兵發之必下恆曰不名王師乃止

塔里赤康里人好讀書善騎射從丞相伯顏渡江領軍至福建所

過秋毫無犯降者如歸以功遷福建招討使時諸郡盜起而陳昂眼最盛擁眾五萬陷漳州行省承制命塔里赤為閩廣大都督征南都元帥總四省軍復漳州生擒昂眼誅之後改福建宣慰使

宣慰使司都元帥府

搆思監元統初任鹽法久壞思監廉利病罷行之

百家奴父唆都有平閩功百家奴亦以平閩廣功為海外諸番宣慰使兼福建道市舶提舉守福建俄兼福建道長司宣慰使都元帥是時福建多水災百家奴出私錢市米以賑貧民全活甚眾陳瑞孫字伯都福寧州人弱冠登武舉第一累官福建宣慰使司都元帥鎮福清州時陳有定欲據八閩勒兵侵州境瑞孫禦之清流矢墜馬被執有定脅之使從瑞孫憤罵曰我家三世仕元肯從福建通志

卷百二十八

元官績

七

總轄

汝反耶有定怒殺之妻孫氏曰吾夫為國死吾可獨生乎抱幼女投井死

彭廷堅字允誠

一作瑞

安人至正四年進士十年為崇安尹屬鉞

山寇周良犯閩關扞禦有法暇日重新縣學立胡文定公書院嘗有蝦蟆仰鳴廳事前廷堅祝之出人蹤之得屍蓋其妻有外私而害之者遂正其罪堅同知建寧總管府事江西寇攻建陽廷堅率民兵克之進平浦城十二年攝都元帥府事與邵武路總管吳按攤不花夾攻邵武寇斬其魁董元帥鏘和倫等邵武平以功陞宣慰司副元帥鎮邵武是冬寇陷建寧縣廷堅統兵復之尋奉檄節制建寧邵武二郡軍事盜侵政和松溪江甯行臺御史中丞吳鐸督軍建寧檄廷堅至萬戶岳煥隸麾下縱卒為暴廷堅繩以法

煥懼使部卒詐爲賊兵突入交鋒遂遇害故吏張桌等奉柩歸崇安民哀泣如喪父母後行臺御史余觀行部獲煥斬之上其事於朝贈中奉大夫福建宣慰使司都元帥封忠愍侯所泣郡邑皆祠祀之

提刑按察司

王惲字仲謀汲人至元二十六年任閩海道提刑按察使黜貪汙不法官吏決遣冤滯繫囚戒戎兵毋得寓民家勸營屋以居之每謂爲治在於得人因進言於朝曰福建連山距海實爲邊徼重地乃平定以來官吏貪殘致愚民往往嘯聚剽掠村落官兵致討又蹂踐之甚非一視同仁之意也今行省官僚如平章左丞尙缺宜特選清望素著有文武才略者以鎮靜之時行省方討劇賊鍾明

福建通志

卷百二十八

元宦績

八

總轄

肅政廉訪司

程鉅夫初名文海後避諱以字行建昌人至元三十年由侍御史授福建廉訪使興學明教吏民畏愛

烏古孫澤字潤甫臨潢人唆都下福建辟爲元帥府提控案牘宋幼主入海張世傑攻泉州文天祥開府南劍閩中郡縣復從宋唆都拔興化怒其從陳瓚反覆下令屠城澤屢諫不聽乃說唆都曰張世傑方攻泉州自固其植待我定興化乃往圖之彼植日固莫

若開其遺民使走泉南煽動之世傑且走是不戰而完泉州捷於吾兵之馳抹也唆都喜開南門縱民去得脫者甚眾世傑亦解泉州圍去福建既平詔以澤爲行省都事朝京師元世祖喜澤善謀命知興化軍繼改軍爲路至元十六年授澤行總管府事郡民應陳瓚戰死者吏援例籍其產澤曰國家至仁誅止陳瓚鬪死及無後者田廬貨產並給其族姻有司無所與至大元年復來爲廉訪使閩人安其宿德卒諡正憲子良楨見延平判官

趙宏偉字子英甘陵人後徙潁州延祐二年任廉訪使未幾以疾辭宏偉用戰功致通顯居官所至發官廩以活饑民延名儒以教後學他善政尤多卒諡貞獻

福建通志

卷百二十八

元宦績

九

總轄

橫取民財宣政院判官木鄰亦取賂於富僧芥里麻皆劾罷之拜降字子謙至順元年任廉訪使初閩有巨跖志在專欲以計畫去同列民罹其害文宗聞之亟遣拜降蒞閩以拯塗炭拜降聞命卽行廉得巨跖狀聞於朝殛之釋剔奸穢撫摩瘡痍閩人大悅貢師泰字泰甫宣城人早歲遊京師入胄監擢應奉翰林文字與趙孟頫虞集揭傒斯諸人遊至正十五年爲福建廉訪使未幾除禮部尙書二十年除戶部尙書按部閩中以閩鹽易糧從海道轉給京師凡得糧數十萬石朝廷賴焉師泰文學知名優於政事嘗爲監察御史南人居臺省自師泰始

莊嘉字子敬至正十六年爲閩海道廉訪使時多警嘉慰勸之歲饑救荒有法每出閩人家置香几羅拜以祝既擢去肖像祠之